

एह मंजूरी लम्बी चर्चा दे मगरा विधानसभा च दिती गई जेदे मगरा सेहत ते मैडिकल शिक्षा ते समाज कल्याण मंत्री स्कीना इतू होरें विधायकें दा धन्नवाद किता। स्कूलें च मानव संसाधन प्रबंधन हाई स्कूल ते हायर सैकेंड्री स्कूलें बारे गल्ल करदे होई मंत्री होरें आखेया जे JKPSG गी बकख-बकख विषें पर 594 Lecturerएं दियां असामियां भेजियां गेइयां न ते इन्दा चयन सूची खीरी चरण च ऐ। एदे इलावा बकख-बकख श्रेणियें च नान-टीचिंग आले दियां 770 असामियां खाली न- जेडे JKSSB गी भर्ती आस्तै भेजे गेदे न।

<><><><><><>

LG Indo US deal

उपराज्यपाल मनोज सिन्हा होरें आखेया ऐ जे भारत-अमरीका बपार समझौते बारे गलत जानकारी फैलाई जा'रदी ऐ। उ'नें आखेया जे केन्द्र सरकार करसानें दे हितें दी राक्खी करने लेई पूरी चाली वचनबद्ध ऐ। उ'नें आखेया जे राई-बाई पैहले आहली नीति विकसित भारत ते आत्मनिर्भर जम्मू-कश्मीर गी यकीनी बनाग। SKUAST जम्मू च त्रै-रोजा राई-बाई सम्मेलन ते किसान मेले दा उदघाटन करदे होई उपराज्यपाल होरें आखेया जे केन्द्र सरकारें करसानें ते उन्दे उत्पादें ते पैदावार दी राक्खी-हिफाजत लेई तरीकाकार अपनाए न। उ'नें आखेया जे राई-बाई ते एदे कन्नै जुड़े दे सैक्टर न ते एह ऐसी बीमा नीति न जिंदी कोई बी समाज जा राष्ट्र अनदिकखी नेंई करदी सकदा।

<><><><><><>

Shiv Khori Shrine

“महा-शिवरात्री मेला-2026” दे इंतजामें गी खीरी रूप देने लई उधमपुर-रियासी रेंज दे DIG Sarah Rizvi ते रियासी दियां डिप्टी कमीशनर निधि मलिक होरें इक उच्च सतह दी बैठक लाई। एह मेला 14 थमां 16 फरवरी तगर चलौग। सालाना शिव खोड़ी मेले च जहारां बद्दे श्रद्धालू औंदे न। बैठक दौरान सुरक्षा- ट्रैफिक प्रबंधन- साफ-सफाई- पीने आहले पानी- बिजली- सेहत सेवाएं- सांस्कृतिक कार्यक्रमें ते भीड़ दे प्रबंधन दे अलावा होर दुए सारे पैहलुएं दा जायजा लैता गया- तां जे इस सालना मेले गी सूचारु ढंगें सिर चलाया जाई सकै।

<><><><><><>

Katra Vista dome

उत्तर रेलवे नै विशेष रेल गडिडयें दी आवा-जाई बडगाम थमां कटड़ा तगर करी दिती ऐ- जेदे कन्नै राबता बेहतर होआ ऐ ते एदे कन्नै सैलसफा गी बी बढ़ावा थहोग। आकाशवाणी दे रियासी थमां संवाददाता देवेन्द्र ठाकुर कन्नै गल्ल करदे होई उत्तर रेलवे दे प्रिंसिपल चीफ Commercial मैनेजर परवीन पांडे होरें आखेया.

<><><><><><>

Vande Matram

सरकार नै भारत दे राष्ट्रीय गीत “वंदे मातरम” दी पालमा दे सरबंधै च तफसीली दिशा-निर्देश जारी कीते न। इंदे च आखेया गया ऐ जे जिसलै बी राष्ट्रीय गान ते राष्ट्रीय गीत कन्नो-कन्नी गाए जान- तां राष्ट्रीय गीत दे सब्भै पैहले 6 पैरे गाना जरूरी होग। केन्द्री गृह मंत्रालय मुजब राष्ट्रपति हुंदे औने- झंडा चाढ़ने ते राज्यपालें दे सम्बोधन जनेए प्रमुख सरकारी समारोहें दे

मौके पर पूरा 6 पैरें आहला राष्ट्रीय गीत गाया जां बजाना लाजमी होग। इ'नें निर्देशें मुजब नागरिक सम्मान समारोहें- राष्ट्रीय ते राज्यपालें दे औने ते जाने पर- सरकारी समारोहें ते सरकार आसेया आयोजित होरनें समारोहें च राष्ट्रगान दा अधिकारिक सरुप बजाया जाहग। राष्ट्रपति हुं'दे आसेया आकाशवाणी ते टैलीवीजन पर राष्ट्र गी सम्बोधत करने कोला ठीक पैहले ते मगरा ते राष्ट्रगान बजाना लाजमी होग। मंत्रालय नै अगगै आखेया ऐ जे जिनें संभाएं च राष्ट्रगान गाया जंदा ऐ -उत्थे मजूद सब्भनें लोकें गी सावधान खड़ा होना बी जरूरी होग।

<><><><><><>

Prog. Announcement

आकाशवाणी जम्मू दे प्रादेशिक समाचर एकांश आसेया कल 13 फरवरी गी विश्व रेडियो दिवस दे मौके पर 25एं मिन्टें दा इक विशेष कार्यक्रम प्रसारित कीता जाग- जेदा विषे होग- "रेडियो ते आर्टिफिशल इंटेलिजेंस". 13 फरवरी गी दपैहरी 12 बजे प्रसारित होने आहले इस कार्यक्रम च स्हाड़े परोहने होगंन- वरिष्ठ प्रसारक ते साबका स्टेशन डायरेक्टर शमीन्द्र कुमार जेहड़े इस विशे पर अपने माहिराना विचार सांझे करगंन। इस कार्यक्रम दी मेजबानी साहड़े न्यूज एंकर जगमोहन शर्मा हुं'दे आसेया कीती जाग। एह कार्यक्रम मीडियम वेव 303 मीटर यानि 990 किलोहर्टज ते एफ.एम 100 अशारिया 3 मैगाहर्टज पर प्रसारत कीता जाहग।

<><><><><><>

e-Buses

प्रधानमंत्री इ-बस सेवा स्कीम दे हेठ जम्मू-कश्मीर च 200 बाद्दू इ-बसें गी जोड़ने दी प्रक्रिया चला'रदी ऐ। इंदे च 100 इ-बसां जम्मू खिते गी दितियां जागंन। एह जानकारी कल मुख

सचिव अटल डुल्लु हुं'दे नेतृत्व च करोआई दी यू.टी स्तर दी बैठक च दिती गई। मुख्ख सचिव हो'रें गलाया जे इस पैहलकदमी कन्नै कार्बन उत्सर्जन च घटौती होग'- शैहरी इलाकें च हवा साफ होग ते जम्मू-कश्मीर दे नागरिकें गी सुरक्षित- विश्वसनीय ते पर्यावरण दे अनुकूल सार्वजनिक परिवाहन उपलब्ध होग।

<><><><><><>

Smart Meters

जम्मू-कश्मीर प्रशासन नै केन्द्र दे अभियानें तैहत समूलचे केन्द्र शासत प्रदेश च हुनै तोड़ी 12 इशारिया 36 लक्ख थमां मते स्मार्ट मीटर लोआए न। एह जानकारी बुधवारें गी विधानसभा च सरकार दे राएं दिती गई। एह आंकड़ा जम्मू-कश्मीर बिजली विभाग JKPDD थमां विधायक वाहीद-उर-रहमान पारा हुं'दे राए पुच्छे गेदे इक सोआल दे परते च दिता गया। इंदे च 6 लक्ख 27 ज्हार 492 स्मार्ट मीटर जम्मू च ते 6 लक्ख 9 ज्हार 15 मीटर कश्मीर खिते च लोआए गेदे न।

<><><><><><>

DM Jammu Order

जिला मैजिस्ट्रेट जम्मू नै इक आदेश जारी कीता ऐ जेदा मकसद SPA ते मसाज केन्द्रें गी नियमित करना ऐ तां जे उत्थे गैर-कनूनी गतिविधियां नैई कीतियां जान ते उंदा दुरुपयोग नैई होवै। इस आदेश च इनें SPA ते मसाज केन्द्रें च CCTV कैमरें लोआना जरूरी किता गया ऐ ते इंदा परिचालन समें सवेरे 8 थमां लेइयै रातीं 9 बजे तोड़ी रक्खेया गया ए। इस आदेश दे

मुताबक इनें केन्द्रें च 18 बरे थमां लौहकी उम्री दे मुलाजम कम्म नई करी सकदे न ते महिला मुलाजम रातीं बेल्लै उत्थे कम्म नई करी सकदियां न। पुलस ते दुए निरिक्षण अधिकारियें गी अपने -अपने क्षेत्राधिकारें च इ'नें केन्द्रें च समें-समें पर निरिक्षण करने लेई निर्देश दिते गेदे न।

<><><><><><>

Poonch Mine

पुंछ जिले चे 16 बरे दा इक जागत बरुदी सुरंग फटने करी उसले घायल होई गया- जिसलै ओह नाले च लेतर कड्डा'रदा हा। पुंछ थमां साहड़े जिला संवाददाता अनुभव मिस्री नै जानकारी दिती ऐ जे बिलाल अहमद लेतर कड्डियै ट्रैक्टर भरा'रदा हा- उसलै धमाका होआ। इस बारे होर मती जानकारी दिंदे होई ACR पुंछ नै आकाशवाणी गी दस्सेया।

<><><><><><>

Cricket

ICC T-20 विश्व कप दे मुकाबले च अज्ज ग्रुप-ए च भारत दा मुकाबला नामीबिया कन्नै होग। ए मैच नमीं दिल्ली च अरुण जेटली स्टेडियम च खेडेया जाग। सूर्य कुमार यादव हुंटी अगुआई आली टीम नै इस दे थमां पैहले USA कन्नै खेड्डे गेदे मैच च उसी 29 रन्ज कन्नै हराया हा। दवै टीमां टी-20 World Cup च एदे थमां पैहले इक बारी आमने-सामने होई चुकी दियां न- ओबी 2021 च होए दे टी-20 विश्व कप च जिसलै भारतीय टीम दी अगुआई विराट कोहली होर करा रदे हे। भारतीय टीम नै उस मैच गी 9 विकटें कन्नै जितेया हा।

<><><><><><>

UPSC

संघ लोक सेवा आयोग UPSC- सिविल सेवा परीक्षा CSE 2026 ते भारतीय जंगलात सेवा IFOS 2026 परीक्षा दे आवेदन पत्रे च गलतिये गी इक्क बारी ठीक करने आस्तै मेदवारें लेई 3 दिनें आस्तै विंडो खोलग- तां जे आवेदक अपने आवेदन पत्रे च होई दिये गलतिये गी ठीक करी सकन। UPSC नै अपने इक कथन च आखेया ऐ जे एह त्रंऊ दिनें दे गलतिये गी ठीक करने आहली विन्डो ऑनलाईन आवेदन प्रक्रिया बंद होने दे मगरा- त्रंऊ दिनें आस्तै खोली जाग ते इस सरबंधे च सेई तरीकां UPSC दी वेबसाईट उप्पर दितियां जागंन।

<><><><><><>